

Te ainda compania di Raoul ta busca accionista

Caya Betico Croes ta bira escandalo legal!

*Kende ta bay bira doño scondi di propiedad di Pueblo?

ORANJESTAD(AAN)
Awe Parlamento mester reuni pa sigui cu tratamento presupuesto. Promer cu tratamento di presupuesto, Gobierno y sigur Ministro Marisol Lopez-Tromp, mester bi- sa kende ta e otro accionistanan den e compania di Raoul. Investigacion di DIARIO ta muestra cu te ainda Raoul ta busca accionista y cu e ansiedad di mas grandi ta, den man di kende ta bay pone parti di Aruba! Ya DIARIO a muestra cu prueba cu for di Venezuela tin hende kier cumpra edificionan di Caya Betico Croes.

Na momento cu Namdar a bira escandalo, Ministro Presidente a admiti cu ningun momento e

departamentonan di seguridad di Gobierno a scrutina kende ta Namdar y Royal Caribbean.

Cu Gobierno no a siña su les of no kier siña su les, ta mas cu cla ora tuma nota cu te ainda na Camara di Comercio un compania di Raoul Henriquez cu ta bay haya e caya den erfpacht y ya ta atende cu DOW, cu basta tempo pasa ya a demostra cu e ta traha riba e plan di Raoul, no ta inscribi.

Informenan cu DIARIO a ricibi ta indica cu te ainda Raoul mes no ta divulga kende ta e personanan cu ta accionistanan den su compania, cu ta haya pida Aruba. Con esaki por ta posibel, ta algo cu no por comprende.

Aparentemente ainda Raoul ta busca hende pa bira

accionista den su compania y aki e problema ta. Si ya e tin palabacionnan haci cu Gobierno, cu no por kibranan, e por hinca e personanan cu e kier aden. Legalmente ta hasta posibel pa Raoul pidi gobernantenan funciona como accionista di su compania, manera a worde muestra na DIARIO. Lo ta sumamente dificil pa publico haya sa, ya cu den e registro publico di Camara di Comercio, ta solamente e Comisaronan ta worde menciona.

Pues Raoul ta liber pa hinca tur hende cu e kier den e compania, cu ya tin bendicion di Gobierno, cu no kier bisa nada riba e proyecto aki. Ni sikiera instancianan oficial, manera Camara di Comercio, no a worde acerca na nan opinion dor di

Gobierno.

Cu Raoul tin sosten di Gobierno ta visto den actitud di Gobierno, e declaracionnan cu DOW a haci y cu ta muestra cu nan ta traha riba e proyecto, e exposicion cu Raoul ta haya na Tele Aruba entre otro. Si ta un soño Raoul ta persigui, Gobierno lo a bisa esey.

DIARIO ta keda busca mas informacion di e caso aki, cu por resulta di tin un dimension hopi grandi. Pasobra no tabata tin necesidad di duna e caya na erfpacht pa dreche mientras cu e otro exigencianan di Raoul ta simpelmente pa e por haya privilegianan legal y gana placa.

Ehercicionan militar na Vader Piet

ORANJESTAD (AAN)-Awe Diahuebs 16 di Augustus 2007 for di mainta 7'or te cu merdia 12'or lo wordo teni ehercicionan di tiro ariba e tereno militar na Vader Piet. E tereno di tiro y e parti frontera cu laman. Mescos cu e espacio den laira ariba ambos parti, lo wordo marca como lugar

insigur of peligroso. Tur persona ta wordo pidi pa no traspasa e lugar aki durante e actividadnan aki. E ehercicionan aki ta forma parti di un programa rutinario di educacion y training di e infanterianan staciona na marinierskazerne Savaneta.

BEST DEAL

Tel: 5827100

(Pariba di Aruba Bank, Paradera)

Night Light
pa mucha.
Diferente
tema.

Cuminsando

for
di
Afl. 2,95

TELEFONNAN

DI DIARIO

582-6747

FAX

582-8551

HULANDA FALTA PA RECALL PROYECTO!!

